

精擇禮記卷貳

之貴，其義也。聲和而後漸也。

內則 國門之內朝儀可則

曾子曰：孝子之養老也，樂其心，不違其志，樂其耳目，安其寢處，以其飲食終養之。孝子之身終，身也者，非終父母之身，終其身也。是故父母之愛亦愛之，父母之所敬亦敬之。至於犬馬，盡然而況於人乎？凡養老五帝憲，三王有乞言。五帝憲，養氣體而不乞言。有

善則記之為惇史記三王亦憲既養老而后乞言亦微
其禮皆有惇史法淳熬淳熬煎醢煎醢加于陸稻上沃之以膏曰法
淳熬淳熬淳母淳母煎醢煎醢加于黍食上沃之以膏曰法淳母子能
食食食教以右手能言男唯女俞小男鞶革小女鞶絲小六年
教之數與方名七年男女不同席不共食八年出入
門戶及即席飲食必後長者始教之讓九年教之數
日十年出就外傳教居宿於外學書計教衣不帛襦袴而禮

帥初朝夕學幼儀請肄簡諒十有三年學樂誦詩舞

勺成童舞象學射御二十而冠始學禮可以衣裘帛

舞大夏惇行孝弟博學不教內而不出三十而有室

始理男事博學無方孫友視志四十始仕方物出謀

發慮道合則服從不可則去五十命為大夫服官政

七十致事

玉藻

記天子諸侯服冕諸制及行祀容節

信宜

吉以軍容

不為師

德在中不未見輕言也

禮記

李義常志

順友視志

此以窮理

天子天子能執節於中月則闔門易為之左扉孔子立于其中未合曰國家未道則不充其

服焉路趨以采齊行以肆夏周還中規折還中矩進則

揖之退則揚之皆中然後玉鏘鳴也故君子在車則聞鸞

和之聲行則鳴佩玉是以非辟之心無自入也親老

出不易方復知新不過時親癯色容不盛此孝子之疏節

也父沒而不能讀父之書手澤存焉耳母沒而杯圈

不能飲焉口澤之氣存焉耳有端行有頤有雷如矢有弁行有刺有

矧起屨凡行容惕々廟中齊々朝廷濟々翔々君子
之容舒遲見所尊者齊邀足容重手容恭目容端口
容止聲容靜頭容直氣容肅立容德色容莊坐如尸
燕居告溫々凡祭容貌顏色如見所祭者喪容纍々
色容顛々視容瞿々梅々言容訥々

大傳

聖人南面而聽天下所且先者五民不與焉一曰治

親二曰報功

君使臣禮

三曰舉賢

行成而上

四曰使能

善以天下

五日存愛

察言愛中

得於天下民無不足無不瞻者五者一物純繆民莫

得其死聖人南面而治天下必自人道始矣立權度

量考文章改正朔易服色殊徽號異器械別衣服此

曲禮

雄如龍太剛太亦

其所得與民变革者也其不可得变革者則有矣親

親也尊也長也男女有別此其不可得與民变

用國愛禮

仁則愛重祖輕

義主制

革者也自仁率親等而上之至于祖名曰輕自義率

祖順而下之。至於禘名曰重。一輕一重。其義然也。自
仁率親等而上之。至於祖。自義率祖順而下之。至於
禘。是故人道親也。親也。故尊祖。尊祖故敬宗。敬宗
故收族。收族故宗廟嚴。宗廟嚴故重社稷。重社稷故
愛百姓。愛百姓故刑罰中。刑罰中故庶民安。庶民安
故財用足。財用足故百志成。百志成故禮俗刑。禮俗
刑然後樂。詩云。不顯不承。無斁於人。斯此之謂也。言

語之美穆々皇々朝廷之美濟々翔々祭祀之美齊
皇々車馬之美匪々翼翼々鸞和之美肅々雍々賓客
賓主恭祭祀主敬喪事主哀會同主羽軍旅思險隱
情以虞

學記

發慮憲求善良足以諉聞不足以動衆就賢體遠足
以動衆未足以化民君子如欲化民成俗其必由學

予玉不琢不成器人不學不知道是故古之王者建
國君民教學為先先命曰念終始典于學其此之謂
乎雖有嘉肴弗食不知其旨也雖有至道弗學不知
其善也是故學然後知不足教然後知困知不足然
後能自反也知困然後能自強也故曰教學相長也
先命曰學之半其此之謂乎古之教者家有塾黨有
庠術有序國有學其此之謂乎比年入學中年考授

一年視離經辨志三年視敬業樂群五年視博習親
師七年視論學取友謂之小成九年知類通達強立
而不反謂之大成夫然後足以化民易俗近者說服
而遠者懷之此大學之道也記曰蚺子時術之其此
之謂乎大學始教皮弁祭菜示敬道也宵雅肄三官
其始也入學鼓篋孫其業也夏楚二物收其威也未
卜禘不視學游其志也時覲而弗語存其心也幼者

聽而弗同學不躡等也此七者教之大倫也記曰凡
學官先事志先志其此之謂乎大學之教也時教必
有正業退息必有居學不學操縵不能安弦不學博
依不能安詩不學雜服不能安禮不興其藝不能樂
學故君子之於學也藏焉脩焉息焉遊焉夫然故安
其學而親其師樂其友而信其道是以雖離師輔而
不反也况命曰敬孫務時敏厥脩乃來其此之謂乎

今之教者呻其佔畢多其訛言及于數進而不顧其
安使人不由誠教人不盡其材其施之也悖其求之
也佛夫然故隱其學而疾其師苦其難而不知其益
也雖終其業其去之必速教之不刑其此之謂乎大
學之法禁於未發之謂豫當其可之謂時不陵節而
施之謂孫相現而善之謂摩此四者教之所由興也
發然後禁則扞格而不勝時過然後學則勤苦而難

成雜施而不孫則壞亂而不修獨學而無友則孤陋
而寡聞燕朋逆其師燕辟廢其學此大者教之所由
廢也君子既知教之所由興又知教之所由廢然後
可以為人師也故君子之教喻也道而弗牽強而弗
抑開而弗達道而弗牽則和強而弗抑則易開而弗
達則思和易以思可謂善喻矣學者有四失教者必
知之人之學也或失則多或失則寡或失則易或失

則止此四者心之莫同也知其心然後能救其失也
教也者長善而救其失者也善歌者使人繼其聲善
教者使人繼其志其言也約而達微而臧罕譬而喻
可謂繼志矣君子知至學之難易而知其美惡然後
能博喻能博喻然後能為師能為師然後能為長能
為長然後能為君故師也者所以學為君也是故擇
師不可不慎也記曰三王四代唯其師其此之謂乎

凡學之道嚴師為難師嚴然後道尊道尊然後民知
敬學是故君之所不臣於其臣者二當其為尸則弗
臣也當其為師則弗臣也大學之禮雖詔於天子無
北面所以尊師也善學者師逸而功倍又從而庸之
不善學者師勤而功半又從而怨之善問者如攻堅
木先其易者後其節目及其久也相說以解不善問
者反此善待問者如撞鐘叩之以小者則小鳴叩之

以大者則大鳴待其從容然後盡其聲不善答問者
反此皆進學之道也記問之學不足以為人師必
也其聽語乎力不能問然後語之語之而不知雖舍
之可也良冶之子必學為裘良弓之子必學為箕始
駕馬者反之車在馬前君子察於此三者可以有志
於學矣古之學者比物醜類鼓無當於五聲五聲弗
得不和冰無當於五色五色弗得不章學無當於五

官五官弗得不治師無當於五服五服弗得不親君子曰大德不官大道不器大信不約大時不齊察於此四者可以有志於本矣三王之祭川也皆先河而後海或源也或委也此之謂務本

樂記

凡音之起由人心生也人心之動物使之然也感於物而動故形於聲々相應故生變々成方謂之音比

音而樂之及于戚羽旄謂之樂者音之所由生也
其本在人心之感於物也是故其哀心感者其聲嗷
以殺其樂心感者其聲嘽以緩其喜心感者其聲發
以散其怒心感者其聲粗以厲其敬心感者其聲直
以廉其愛心感者其聲和以柔六者非性也感於物
而後動是故先王慎所以感之者故禮以道其志樂
以和其聲政以一其行刑以防其姦禮樂刑政其極

一也。所以同民心而出治道也。凡音者，生人心者也。情動於中，故形於聲；聲成於文，謂之音。是故治世之音安以樂，其政和；亂世之音怨以怒，其政乖；亡國之音哀以思，其民困。聲音之道與政通矣。宮為君，商為臣，角為民，徵為事，羽為物。五者不亂，則無怙滯之音矣。凡音者，生於人心者也；樂者，通倫理者也。是故知聲而不知音者，禽獸是也；知音而不知樂者，衆庶是也。

也。惟君子為能知樂。是故審聲以知音。審樂以知政。
審樂以知政。而治道備矣。是故不知聲者不可與言
音。不知音者不可與言樂。知樂則幾於禮矣。禮樂皆
得。謂之有德。德者得也。是故樂之隆。非極音也。食饗
之禮。非致味也。清廟之瑟。朱絃而疏越。壹倡而三嘆。
有遺音者矣。大饗之禮。尚玄酒而俎腥魚。大羹不和。
有遺味者矣。是故先王之制禮樂也。非以極口腹耳。

目之欲也將以教民平好惡而反人道之正也人生而靜天之性也感於物而動物至知知然後好惡形焉好惡無節於內知誘於外不能反躬天理滅矣夫物之感人無窮而人之好惡無節則是物至而人化物也人化物也者滅天理而窮人欲者也於是有悖逆詐僞之心有淫泆作亂之事是故強者脇弱衆者暴寡知者詐愚勇者苦怯疾病不養老幼孤獨不得

其所此大亂之道也。樂者為同，禮者為異。同則相親，異則相敬。樂勝則流，禮勝則離。合情飾貌者，禮樂之事也。禮義立，則貴賤等矣；樂文同，則上下和矣；好惡著，則賢不肖別矣；刑禁暴，爵舉賢，則政均矣；仁以愛之，義以正之，如此則民治行矣。樂由中出，禮自外作，樂由中出故靜，禮自外作故文。大樂必易，大禮必簡。樂至則無怨，禮至則不爭，揖讓而天下治。禮樂之謂

也。暴民不作，諸侯賓服，兵革不試，五刑不用，百姓無
患。天子不怒，如此則樂達矣。合父子之親，明長幼之
序，以敬四海之內。天子如此，則禮行矣。大樂與天地
同和，大禮與天地同節。和故百物不失節，故祀天祭
地。明則有禮，樂幽則有鬼神。如此則四海之內合敬
同愛矣。禮者，殊事合敬者也；樂者，異文合愛者也。禮
樂之情同，故明王以相沿也。故事與時並名，與功偕。

故鐘鼓管磬羽籥干戚樂之器也屈伸俯仰綴兆舒
疾樂之文也簠簋俎豆制度文章禮之器也升降上
下周還襍襲禮之文也故知禮樂之情者能作識禮
樂之文者能述作者之謂聖述者之謂明明聖者述
作之謂也樂者天地之和也禮者天地之序也和故
百物皆化序故群物皆別樂由天作禮以地制過制
則亂過作則暴明於天地然後能興禮樂也論倫無

患樂之情也。欣喜歡愛樂之官也。中正無邪禮之質也。莊敬恭順禮之制也。若夫禮樂之施於金石越於聲音用於宗廟社稷事乎山川鬼神則此所與民同也。王者功成作樂治定制禮其功大者其樂備其治辨者其禮具千戚之舞非備樂也孰亨而祀非達禮也。五帝殊時不相沿樂三王異世不相襲禮樂極則憂禮粗則偏矣。及夫登樂而無憂禮備而不偏者其

唯大聖乎。天高地下，萬物散殊，而禮制行矣。流而不
息，合同而化，而樂興焉。春作夏長，仁也；秋歛冬藏，義
也。仁近於樂，義近於禮。樂者敦和，率神而從天；別禮
者，別宜居，居鬼而從地。故聖人作樂以應天，制禮以配
地。禮樂明備，天地官矣。及夫禮樂之極乎天而蟠乎
地，行乎陰陽而通乎鬼神，窮高極遠而測深厚，樂者
大始而禮居成物，著不息者天也，著不動者地也。一

動一靜者、天地之間也。故聖人曰：禮樂云。夫民有血
氣、心知之性、而無哀樂喜怒之常、應感起物而動、然
後心術形焉。是故志微噍殺之音作、而民思憂、曄諧
慢易、繁文簡節之音作、而民康樂、粗厲猛起、奮末廣
賁之音作、而民剛毅、廉直勁正、莊誠之音作、而民肅
敬、寬裕肉好、順成和動之音作、而民淫亂、慈愛流辟
邪散、狄成滌濫之音作、而民淫亂。是故先王本之情

性稽之度數制之禮義合生氣之和道五常之行使
之陽而不散陰而不密剛氣不怒柔氣不懾四暢交
於中而發作於外皆安其位而不相奪也然後立之
學等廣其節奏省其文采以繩德厚律小大之稱比
終始之序以象事行使親疎貴賤長幼男女之理皆
形見於樂故曰樂觀其深矣然後發以聲音而文以
琴瑟動以干戚飾以羽旄從以簫管奮至德之光動

四氣之和以著萬物之理是故清明象天廣大象地
終始象四時周旋象風雨五色成文而不亂八風從
律而不姦百度得數而有常小大相成終始相生倡
和清濁迭相為經故樂行而倫清耳目聰明血氣和
平移風易俗天下皆寧德者性之端也樂者德之華
也金石絲竹樂之器也詩言其志也歌咏其聲也舞
動其容也三者本於心然後樂器從之是故情深而

文明氣盛而化神和順積中而英華發外惟樂不可
以為偽樂者心之動也聲者樂之象也文采節奏聲
之飾也君子動其本樂其象然後治其飾是故先鼓
以警戒三歩以見方再始以著往復亂以飾歸奮疾
而不拔極幽而不隱獨樂其志不厭其道備舉其道
不私其欲是故情見而義立樂終而德尊君子以好
善小人以聽過故曰天生_民之道樂為大焉樂也者施

也禮也者報也樂其所自生禮反其所自始樂章
德禮報情反始也樂也者情之不可變者也禮也者
禮之不可易者也樂統同禮辨異禮樂之說管乎人
情矣窮本知變樂之情也著誠去偽禮之經也禮樂
負天地之情達神明之德降興上下之神而凝是精
粗之體領父子君臣之節是故大人舉禮樂則天地
將為昭焉天地訢合陰陽相得煦嫗覆育萬物然後

草木茂區萌達羽翼奮角觫生蟄虫昭蘓羽者嫗伏
毛者孕鬻胎生者不殯而卵生者不恤則樂之道歸
焉耳鐘聲鏗々以立號々以立橫々以立武君子聽
鍾聲則思武臣石聲磬々以立辨々以致死君子聽
磬聲則思死封疆之臣絲聲哀々以立廉々以立志
君子聽琴瑟之聲則思志義之臣鼓鼙之聲謹々以
立動々以進衆君子聽鼓鼙之聲則思將帥之臣君

子聽音非聽其鏗鏘而已也彼亦有所合之也賓年
賈侍坐於孔子孔子與之言及樂曰夫武之備戒之
已久何也對曰病不得其衆也咏歎之淫液之何也
對曰恐不逮事也發揚蹈厲之已蚤何也對曰及時
事也武坐致右憲左何也對曰非武坐也聲淫及商
何也對曰非武音也子曰非若武音則何音也對曰
有司失其傳也若非有司失其傳則武王之志荒矣

子曰唯立之間諸葛弘亦若吾子之言是也賓牟賈
起免席而請曰夫武之備戒之以久則既聞命矣敢
問遲之遲之又久何也子曰居吾語汝夫樂者象成
者也總干而山立武王之事也發揚蹈厲太公之志
也武亂皆坐周召之治也夾振之而駟伐盛威於中
國也分夾而進事蚤濟也久立於綴以待諸侯之至
也樂也者動於內者也禮也者動於外者也故禮主

其減樂主其盈禮減而進以進為文樂盈而反以反
為文禮減而不進則銷樂盈而不反則放故禮有報
而樂有反禮得其報則樂得其反則安禮之報樂
之反其義一也君子曰禮樂不可斯湏去身致樂以
治心則易直子諒之心油然而生矣易直子諒之心生
則樂則安則安則久則久則天則神天則不言而信
神則不怒而威致樂以治心者也故樂也者動於內

者也。禮也者，動於外者也。樂極和，禮極順。內和而外順，則民瞻其顏色而弗與爭也；望其容貌而民不生易慢焉。故德輝動於內，而民莫不承聽；理發諸外，而民莫不承順。故曰：致禮樂之道，舉而措之天下，無難矣。夫樂者，樂也；人情之所不能免也。樂必發於聲音，形於動靜，人之道也。聲音動靜，性術之變，盡於此矣。故人不耐無樂，不耐無形，而不為道，不耐無亂。

先王耻其亂故制雅頌之聲以道之使其聲足樂而
不流使其文足論而不息使其曲直繁瘠廣肉節奏
足以感動人之善心而已矣不使放心邪氣得接焉
是先王立樂之方也故聽其雅頌之聲志意得廣焉
執其干戚習其俯仰詘伸容貌得莊焉行其綴兆要
其節奏行列得正焉進退得齊焉故樂者天地之命
中和之紀人情之所不能免也夫樂者先王之所以

飾喜也。軍旅鈇鉞者，先王之所以飾怒也。故先王之喜怒皆得其儕焉。喜則天下和之，怒則暴亂者畏之。先王之道，禮禮樂可謂盛矣。子貢見師乙而問焉，曰：「賜聞聲歌各有宜也，如賜者宜何歌也？」師乙曰：「乙賤工，何足以問所宜？請誦其所聞，而吾子自執焉。」寬而進，靜柔而正者，宜歌頌；廣大而靜，疏達而信者，宜歌大雅；恭儉而好禮者，宜歌小雅；正直而靜，廣而謙者，

宜歌風肆直而慈愛者宜歌商溫良而能斷者宜歌
齊夫歌者直已而成陳德也動已而天地應焉四時
和焉星辰理焉萬物育焉故商者五帝之遺聲也商
人識之故謂之商齊者三代之遺聲也齊人識之故
謂之齊明乎商之音者臨事而屢斷明乎齊之音者
見利而讓臨事而屢斷勇也見利而讓義也有勇有
義非歌孰能保此故歌者上如抗下如隊曲如折止

如橐木倨中矩，句中鉤，累累乎端如貫珠，故歌之為言也，長言之也；說之，故言之；言之不足，故長言之；長言之不足，故嗟嘆之；嗟嘆之不足，故歎之；歎之不足，故不知手之舞之，足之蹈之也。子貢問樂。

雜記

君子有三患：未之聞，患弗得聞也；既聞之，患弗得學也；既學之，患弗能行也。君子有五耻：居其位，無其言。

君子耻之有其言無其行君子耻之既得之而又失
之君子耻之地有餘而民不足君子耻之衆寡均而
倍焉君子耻之子貢觀於蜡孔子曰樂賜也樂乎對
曰一國之皆若狂賜未知其樂也子曰百日之蜡一
日之澤非爾所知也張而不弛文武弗能也弛而不
張文武弗為也一張一弛文武之道也孔子曰管仲
遇盜取二人焉上以為公臣曰其所與遊辟也可人

也。管仲死，桓公使為之服，宦於大夫者之為之服也。
自管仲始也。有君命焉爾也。內亂不與焉，外患弗辟
也。

祭法

夫聖王之制祭祀也，法施於民，則祀之；以死勤事，則
祀之；以勞定國，則祀之；能禦大災，則祀之；能捍大患
則祀之。及夫日月星辰，民所瞻仰也；山林川谷丘陵，

民所取財用也。非此族也不在祀典。祭不欲數，則煩；則不敬。祭不欲䟽，䟽則怠；怠則忘。是故君子合諸天道。春禘，秋嘗。霜露既降，君子履之，必有悽愴之心，非其寒之謂也。春雨露既濡，君子履之，必有怵惕如將見之樂，以迎來，哀以送往。故禘有樂，而嘗無樂。致齋於內，散齋於外，齋之日，思其所居，處思其笑語，思其志意，思其所樂，思其所嗜。齋三日，乃見其所為齋。

者祭之日入室儼然必有見乎其位周旋出戶肅然
必有聞乎其容聲出戶而聽愾然必有聞乎其嘆息
之聲是故先王之孝也色不忘乎目聲不絕乎耳心
志嗜欲不忘乎心致愛則存致慤則著著存不忘乎
心夫安得不敬乎君子生則敬養死則敬享思終身
弗辱也君子有終身之喪忌日之謂也忌日不用非
不祥也言夫日志有所至而不敢盡其私也唯聖人

為能饗帝孝子為能饗親饗者鄉也鄉之然後能饗
焉是故孝子臨尸而不怍君牽牲夫人奠盞君獻尸
夫人薦豆卿大夫相君命婦相夫人齊于其敬也
愉于其忠也勿于諸其欲其饗之也文王之祭也
事死如事生思死者如不欲生忌日必哀稱諱如見
親祀之忠也如見親之所愛如欲色然其文王與詩
云明發不寐饗而致之又從而思之祭之日樂與哀

半饗之必樂已至必哀仲尼嘗奉薦而進其親也懿
其行也趨々以數已祭子贛門曰子之言祭濟々漆
然今子之祭無濟々漆々者何也子曰濟々者容
也遠也漆々者容也自反也容以遠若容以自反也
夫何神明之及交夫何濟々漆々之有乎反饋樂成
薦其薦俎序其禮樂備其百官君子致其濟々漆々
夫何恍惚之有乎夫言豈一端而已夫各有所當也

宮室既脩。牆屋既設。百物既備。夫婦齊戒沐浴奉承而進之。洞々乎屬々乎。如弗勝。如將失之。其孝敬之心至也。與薦其薦俎。序其禮樂。備其百官。奉承而進之。於是諭其志意。以其恍惚。以與神明交。庶或饗之。庶或饗之。孝子之志也。孝子有深愛者。必有和氣。有和氣者。必有愉色。有愉色者。必有婉容。孝子如執玉如奉盈。洞々屬々然。如弗勝。如將失之。嚴威儼恪。非

所以事親也。成人之道也。子曰：立愛自親始。教民睦也。立敬自長始。教民順也。教以慈睦而民貴有親。教以敬長而民貴用命。孝以事親順以聽命。錯諸天下無所不行。天下之禮致反始也。致鬼神也。致和用也。致義也。致讓也。致反始以厚其本也。致鬼神以尊上也。致物用以立民紀也。致義則上下不悖逆矣。致讓也。致物用以立民紀也。致義則上下不悖逆矣。致讓以去爭也。合此五者以治天下之禮也。雖有奇邪而

不治者則微矣。宰我曰：吾聞鬼神之名，不知其所謂。
子曰：氣也者，神之盛也；魄也者，鬼之盛也。合鬼與神，
教之至也。衆生必死，必歸土，此之謂鬼。骨肉斃于
下，此為野土，其氣發揚于上，為昭明。焄蒿悽愴，此謂
物之精也。神之著也。因物之精，制為之極，明命鬼神，
以為黔首則百衆以畏。萬民以服。聖人以是為未足，
也。築為宮室，設為宗祧，以別親疎，遠邇，教民反古復

內失去

自此至禮之至也五行餘大本

始不忘其所由生也。衆之服自此故聽且速也。二端
既立，報以二禮：建設朝事，燔燎羶薌，見以蕭光，以報
氣也。此教衆反始也。薦黍稷羞肝肺首心，見間以俠
鮪，加以鬱鬯，以報魄也。教民相愛，上下用情，禮之至
也。曾子曰：「孝有三大：孝尊親，其次弗辱，其下能養。」公
明儀問於曾子曰：「夫子可以爲孝乎？」曾子曰：「是何言
與？君是何言與？」君子之所謂孝者，先意承志，諭父母

於道參直養者也安能為孝乎曾子曰身也者父母
之遺體也行父母之遺體敢不敬乎居處不莊非孝
也事君不忠非孝也莅官不敬非孝也朋友不敬信
非孝也戰陳無勇非孝也五者不遂哉及其親敢不
敬乎亨孰羶薌嘗而薦之非孝也養也君子之所謂
孝也者國人稱願然曰幸哉有子如此所謂孝也已
衆之本教曰孝其行曰養一可能也敬為難敬可能

也安為難安可能也卒為難父母既沒慎行其身不
遺父母惡名可謂能終矣仁者仁此者也禮者履此
者也義者宜此者也信者信此者也強者強此者也
樂自順此生刑自反此作曾子曰夫孝置之而塞乎
天地漚之而橫乎四海施諸後世而無朝夕推而放
諸東海而準推而放諸西海而準推而放諸南海而
準推而放諸北海而準詩云自西自東自南自北無

思不服此之謂也。曾子曰：「樹木以時伐焉，禽獸以時殺焉。」夫子曰：「斷一樹，殺一獸，不以其時，非孝也。」孝有三：小孝用力，中孝用勞，大孝不匱。思慈愛，忘勞，可謂用力矣；尊仁安義，可謂用勞矣。博施備物，可謂不匱矣。父母愛之，喜而不忘；父母惡之，懼而無怨。父母有過，諫而不逆。父母既沒，必求仁者之粟以祀之。此之謂禮終樂正。子春下堂而傷其足，數月不出，猶有憂。

色門弟子曰夫子之足瘳矣數月不出猶有憂色何也樂正子春曰善如爾之問也善如爾之問也吾聞諸曾子曾子聞諸夫子曰天之所生地之所養無人為大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今予忘孝之道予是以有憂色也壹舉足而不敢忘父母壹出言而不敢忘父母壹舉足而不敢忘父母

是故道而不徑，舟而不游，不敢以先父母遺體行殆。
壹出言而不敢忘父母，是故惡言不出於口，忿言不
反於身，不辱其身，不羞其親，可謂孝矣。孝子將祭祀，
心有齊莊之心，以慮事，以具服物，以脩宮室，以治百
事，及祭之日，顏色必溫，行必恐，如懼，不及愛，然其奠
之也，容貌必溫，身必誠，如語焉而未之然，宿者皆出，
其立卑，靜以正，如將弗見，然及祭之後，陶然遂然，如

將復入然。是故慤善不違身。耳目不違心。思慮不違親。結諸心形。諸色而術省之。孝子之志也。

祭統第二十五

凡治人之道。莫急於禮。有五經。莫重於祭。夫祭者。非物自外至者也。自中出生於心者也。心怵而奉之。以禮。是故唯賢者能盡祭之義。賢者之祭也。必受其福。非世所謂福也。福者。備也。備者。百順之名也。無所

不順者之謂備言內盡於己而外順於道也忠臣以
事其君孝子以事其親其本一也上則順於鬼神外
則順於君長內則以孝於親如此之謂備唯賢者能
備能備然後能察祭是故賢者之祭也致其誠信與
其忠敬奉之以物道之以禮安之以樂參之以時明
薦之而已矣不求其為此孝子之心也古之君子論
譏其先祖之美而明著之後世者也以此其身以重

其國家如此子孫之守宗廟社稷者其先祖無美而稱之是誣也有善而弗知不明也知而弗傳不仁也此三者君子之所恥也

經解

孔子曰入其國其教可知也其為人也溫柔敦厚詩教也疏通知遠書教也廣博易良樂教也潔靜精微易教也恭儉莊敬禮教也屬辭比事春秋之教也故

詩之失愚書之失誣樂之失奢易之失賊禮之失煩
春秋之失亂其為人也溫柔敦厚而不愚則深於詩
者也疏通知遠而不誣則深於書者也廣博易良而
不奢則深於樂者也潔靜精微而不賊則深於易者
也恭儉莊敬而不煩則深於禮者也屬辭比事而不
亂則深於春秋者也天子者與天地參故德配天地
兼利萬物與日月並明照四海而不遺微小其在

朝廷則道仁聖禮義之序燕處則聽雅頌之音行步
則有環佩之聲升車則有鸞和之音居處有禮進退
有度百官得其宜萬事得其序詩云淑人君子其儀
不忒其儀不忒正是四國此之謂也發號出令而民
說謂之和上下相親謂之仁民不求其所欲而得之
謂之信除去天地之害謂之義義與信和與仁霸王
之器也有治民之意而無其器則不成禮之於正國

也猶衡之於輕重也繩墨之於曲直也規矩之於方
圓也故衡誠縣不可欺以輕重繩墨誠陳不可欺以
曲直規矩誠設不可欺以方圓君子審禮不可誣以
姦詐是隆禮由禮謂之有方之士不隆禮不由禮謂
之無方之民敬讓之道也故以奉宗廟則敬以入朝
廷則貴賤有位以處室家則父子親兄弟和以處鄉
里則長幼有序孔子曰安上治民莫善於禮此之謂

也夫禮禁亂之所由生由坊止水之所自來也故以
舊坊為無所用而壞之者必有水敗以舊禮為無所
用而去之者必有亂患故禮之教化也微其止邪也
於未形使人日遷善遠罪而不自知也是以先王隆
之也易曰君子慎始差若毫釐繆以千里此之謂也

哀公問

哀公問於孔子曰大禮何如君子之言禮何其尊也

孔子曰丘也小人不足以知禮君曰否吾子言之也
孔子曰丘聞之民之所生禮為大非禮無以節事天
地之神也非禮無以辨君臣上下長幼之位也非禮
無以別男女父子兄弟之親昏姻疏數之交也君子
以此之為尊敬然後以其所能教百姓不廢其會
節有成事然後治其雕鏤文章黼黻以嗣其順之然
後言其喪筭備其鼎俎設其豕脩其宗廟歲時以

敬祭祀以序宗族。即安其居。節醜其衣服。卑其宮室。
車不雕幾。器不刻鏤。食不二味。以與民同利。昔之君
子之行禮者如此。公曰。今之君子。胡莫之行也。孔子
曰。今之君子。好寔無厭。淫德不倦。荒怠傲慢。固民是
盡。并其衆以伐。有道求得。當欲不以其所。昔之用民
者。由前。今之用民者。由後。今之君子。莫為禮也。孔子
侍坐於哀公。哀公曰。敢問人道。誰為大。孔子愀然作。

色而對曰君之及此言也百姓之德也固臣敢無辭而對人道政為大公曰敢問何謂為政孔子對曰政者政正也君為政則百姓從政矣君之所為百姓之所從也君所不為百姓何從公曰敢問為政如之何孔子對曰夫婦別父子親君臣嚴三者正則庶物從之矣公曰寡人雖無似也願聞所以行三言之道可得聞乎孔子對曰古之為政愛人為大所以治愛人

禮為大所以治禮敬為大敬之至矣大昏為大大昏
至矣大昏既至冕而親迎親之也親之也者親之也
是故君子興敬為親舍敬是遺親也弗愛不親弗敬
不正愛與敬其政之本與公曰寡人願有言然冕而
親迎不已重乎孔子愀然作色而對曰合二姓之好
以繼先聖之後以為天地宗廟社稷之主君何謂已
重乎公曰寡人固不固焉得聞此言也寡人欲同不

得其辭請少進孔子曰天地不合萬物不生大昏萬
世之嗣也君何謂已重焉孔子遂言曰內以治宗廟
之禮足以配天地之神明出以治直言之禮足以立
上下之敬物耻足以振之國耻足以興之為政先禮
禮其政之本與孔子遂言曰昔三代明王之政必敬
其妻子也有道妻也者親之主也敢不敬與子也者
親之後也敢不敬與君子無不敬也敬身為大身也

者親之枝也。敢不敬與？不能敬其身，是傷其親，傷其親，是傷其本，傷其本，枝從而亡。三者，百姓之象也。身以及身，子以及子，妃以及妃。君行此三者，則愾乎天下矣。大王之道也如此，則國家順矣。公曰：敢問何謂敬身？孔子對曰：君子過言，則民作辭；過動，則民作則。君子言不過辭，動不過則，百姓不命而敬恭如是，則能敬其身，能敬其身，則能成其親矣。公曰：敢問何謂

成親。孔子對曰：君子也者，人之成名也。百姓歸之名，謂之君子之子，是使其親為君子也。是為成其親之名也已。孔子遂言曰：古之為政，愛人為大。不能愛人，不能有其身；不能有其身，不能安土；不能安土，不能樂天；不能樂天，不能成其身。公曰：敢問何謂成身？孔子對曰：不過身物。公曰：敢問君子何貴乎天道也？孔子對曰：貴其不已。如日月東西相從而不已，也是天

道也不閉其久是天道也無為而成物是天道也已
成而明是天道也公曰寡人蠢愚冥煩子志之心也
孔子蹴然辟席而對曰仁人不過乎物孝子不過乎
物是故仁人之事親也如事天事天如事親是故孝
子成身公曰寡人既聞此言也無如後罪何孔子對
曰君之及此言也是臣之福也

仲尼燕居。子張子貢言游侍。縱言至於禮。子曰。居。女三人者。吾語女禮。使女以禮周流。無不徧也。子貢越席而對曰。敢問何如。子曰。敬而不中禮。謂之野。恭而不中禮。謂之給。勇而不中禮。謂之逆。子曰。給奪慈仁。子曰。師爾過而商也。不及。子產猶衆人之母也。能食之。不能教也。子貢越席而對曰。敢問將何以為此中者也。子曰。礼乎。礼夫。礼所以制中也。子貢退。言游進。

曰敢問禮也者。願惡而全好者。與子曰。然。然則何如。
子曰。邠社之義。所以仁鬼神也。嘗禘之禮。所以仁昭
穆也。饋奠之禮。所以仁死喪也。射鄉之。所以仁鄉黨
也。食饗之禮。所以仁賓客也。是故以之居處有禮。故
長幼辨也。以之閭門之內有禮。故三族和也。以之朝
廷有禮。故官爵序也。以之田獵有禮。故戎事閑也。以
之軍旅有禮。故武功成也。是故宮室得其節。度量鼎

得其象味得其時樂得其節車得其式鬼神得其饗
喪紀得其哀辨說得其堂官得其體政事得其施加
於身而錯於前凡衆之動得其宜子曰禮也者理也
樂也者節也君子無禮不動無節不作不能詩於禮
繆不能樂於礼素薄於德於禮虛子曰制度度在礼
文為在礼行之其在人乎子貢越席而對曰敢問夔
其窮與子曰古之人與古之人也達於禮而不達於

樂謂之素達於樂而不達於禮謂之偏夫夔達於樂而不達於禮謂之偏是以傳於此名也古之人也子張問政子曰師乎前吾語女乎君子明於礼樂舉而錯之而已子張復問子曰師爾以為必鋪几筵升降酌獻酬酢然後謂之礼乎爾以為必行綴兆興羽籥作鍾鼓然後謂之樂乎言而履之禮也行而樂之樂也君子力此二者以南面而立夫是以天下太平也

諸侯朝萬物服體而百官莫敢不承事矣禮之所興
衆之所治也禮之所廢衆之所亂也目巧之室則有
輿阼席則有上下車則有左右行則有隨立則有序
古之義也

孔子間居

孔子間居子夏侍子夏曰敢問詩云凱弟君子民之
父母何如斯可謂民之父母矣孔子曰夫民之父母

乎必達於禮樂之原以致五至而行三無以橫於天
下四方有敗必先知之此之謂民之父母矣子夏曰
民之父母既得而聞之矣敢問何謂五至詩亦至焉
詩之所至禮亦至焉禮之所至樂亦至焉樂之所至
哀亦至焉哀樂相生是故正明目而視之不可得而
見也傾耳而聽之不可得而聞也志氣塞乎天地此
之謂五至子夏曰五至既得而聞之矣敢問何謂三

無孔子曰無聲之樂無體之禮無服之喪此之謂三
無子夏曰三無既得略而聞之矣敢問何詩近之孔
子曰夙夜其命宥密無聲之樂也威儀逮々不可選
也無體之禮也凡民有喪匍匐救之無服之喪也子
夏曰言則大矣美矣盛矣言盡於此而已乎孔子曰
何為其然也君子之服之也猶有五起焉子夏曰何
如孔子曰無聲之樂氣志不違無體之禮威儀遲々

無服之喪內恕孔悲無聲之樂氣志既得無體之禮
威儀翼翼無服之喪施及四國無聲之樂氣志既從
無體之禮上下和同無服之喪以畜萬邦無聲之樂
日聞四方無體之禮日就月將無服之喪純德孔明
無聲之樂氣志既起無體之禮施及四海無服之喪
施於孫子子夏曰三王之德參於天地敢問何如斯
可謂參天地矣孔子曰奉三無私以勞天下子夏曰

敢問何謂三無私。孔子曰：天無私覆，地無私載，日月無私照。奉斯三者以勞天下，此之謂三無私。其在詩曰：帝命不違，至於湯齊。湯降不齊，遲聖敬日齊。昭格遲，上帝是祇。帝命式于九圍，是湯之德也。天有四時，春、秋、冬、夏，風、雨、霜、露，無非教也。地載神氣，神氣風霆，風霆流行，庶物露生，無非教也。清明在躬，氣志如神者，欲將至，有開必先。天降時雨，山川出雲，其在詩

曰嵩高維嶽峻極於天維嶽降神生甫及申維申及甫為周之翰四國于蕃四方于宣此文武之德也三代之王也必先其令聞詩云明明天子令聞不已三代之德也弛其文德協此四國大王之德也子夏蹶然而起負牆而立曰弟子敢不承乎

坊記

子言之君子之道辟則坊與坊民之所不足者也大

爲之坊民猶踰之故君子礼以坊德刑以坊淫命以
坊欲子云小人貧斯約富斯驕約斯盜驕斯亂礼者
因人之情而爲之節文以爲民坊者也故聖人之制
富貴也使民富不足以驕貧不足以約貴不慚於上
故乱益亡子云上酌民言則下天上施上不酌民言
則犯也下不天上施則乱也故君子信讓以涖百姓
則民之報礼重詩云凡民有言詢于芻蕘子云睦於

父母之黨可謂孝矣故君子因睦以合族詩云此令
兄弟綽有裕不令兄弟交相為瘡子云七日戒三
日齋承一人焉以為尸過之者趨走以教敬也醴酒
在室不令澄酒在下示民不淫也尸飲三衆賓飲一示民
有上下也因其酒肉聚其宗族以教民睦也故堂上
覲乎室堂下覲乎上詩云禮儀卒度笑語卒獲子云
君子不盡利以遺民詩云彼有遺秉此有不斂穧伊

寡婦之利故君子仕則不稼田則不漁食時不力珍
大夫不坐羊士不坐犬詩云采芣采芣無以下體德
音莫違及爾同死以此坊民猶忘義而爭利以亡
其身

表記

子言之歸乎君子隱而顯不矜而莊不厲而威不言
而信子曰君子不失足於人不失色於人不失口於

人是故君子貌足畏也色足懾也言足信也甫刑曰
敬忌而罔有擇言在躬子曰祭極敬不繼之以樂朝
極辨不繼之以倦子曰君子慎以辟禍篤以不掠恭
以遠恥子曰君子莊敬日強安肆日偷君子不以一
日使其躬僂焉如不終日子曰仁有三與仁同功而
異情與仁同功其仁未可知也與仁同過然後其仁
可知也仁者安仁知者利仁畏罪者強仁仁者右也

道者左也。仁者人也。道者義也。厚於仁者薄於義。親而不尊。厚於義者薄於仁。尊而不親。子曰：仁之為器重，其為重道遠，舉者莫能勝也；行者莫能致也。取數多者，仁也。夫勉於仁者，不亦難乎？是故君子以義度人，則難為人；以人望人，則賢者可知矣。子曰：中心安仁者，天下一人而已矣。大雅曰：德輶如毛，民鮮克舉之。我儀圖之。惟仲山甫舉之，愛莫助之。小雅曰：高山

仰止景行。止子曰詩之好仁如此鄉道而行中道而廢忘身之老也不知年數之不足也俛焉日有孳孳斃而后已子曰先王謚以尊名節以壹惠恥名之浮於行也是故君子不自大其事不自尚其功以求處情過行弗率以求處厚彰人之善而美人之功以求下賢是故君子雖自卑而民敬尊之子曰后稷天下之為烈也豈一手一足哉唯欲行之浮於民也故

曰不家食吉子曰事君不下達不尚辭非其人弗自
小雅曰靖共爾位正直是與神之聽之式穀以女
子曰事君遠而諫則調也近而不諫則尸利也子曰
臣守和寧正百官大臣慮四方子曰事君難進而易
退則位有序易進而難退則亂也故君子三揖而進
一辭而退以遠亂也子曰事君慎始而敬終子曰事
君可貴可賤可富可貧可生可殺而不可使為亂子

曰事君軍旅不辟難朝廷不辭賤處其位而不履其
事則亂也故君使其臣得志則慎慮而從之終事而
退否則孰慮而從之終事而退臣之厚也易曰不易
事王侯高尚其事

緇衣

子曰上好仁則下之為仁爭先人故長民者章志貞
教尊仁以子愛百姓民致行已以說其上矣詩云有

自謂便民人子言之君子之所謂仁者其難乎詩云
凱弟君子民之父母凱以強教之弟以說安之樂而
無荒有禮而親威莊而安孝慈而敬使民有父之尊
有母之親如此而后可以為民父母矣非至德其孰
能如此乎今父之親子也親賢而下無能母之親子
也賢則親之無能則憐之母親而不尊父尊而不親
水之於民也親而不尊火尊而不親土之於民也親

而不尊天尊而不親命之於民也親而不尊鬼尊而
不親子曰夏道尊命事鬼神敬神而遠之近人而忠
焉先祿而後威先賞而後罰親而不尊其民之敝蠢
而愚喬而野朴而不文殷人尊神率民而事神先鬼
而後礼先罰而後賞尊而不親其民之敝蕩而不靜
勝而無恥周人尊礼尚施事鬼神敬神而遠之近人而
忠焉其賞罰用爵列親而不尊其民之敝利而巧文

而不慙賊而蔽子曰夏道未瀆辭不求備不大望於
民；未厭其親殷人未瀆礼而求備於民周人強民
未瀆神而賞爵刑罰窮矣子曰虞夏之道寡怨於民
殷周之道不勝其敝子曰虞夏之質殷周之文至矣
虞夏之文不勝其質殷周之質不勝其文子言之曰
後世雖有作者虞帝弗可及也已矣君天下生無私
死不厚其子子民如父母有惓惓之憂有忠利之教

親而尊安而敬威而愛富而有禮惠而能散其君子
尊仁畏義恥費輕寔忠而不犯義而順文而靜寬而
有辨甫刑曰德威惟威德明惟明非虞帝其孰能如
此乎子言之事君先資其言拜自獻其身以成其信
是故君有責於其臣臣有死於其言故其受祿不誣
其受罪益寡子曰事君大言入則望大利小言入則
望小利故君子不以小言受大祿不以大言受小祿

桮德行四國順之子曰王言如綮其出如綸王言如
綸其出如紵故大人不倡游言可言也不可行君子
弗言也可行也不可言君子弗行也則民言不危行
而行不危言矣詩云淑慎尔止不讐千儀子曰君子
道人以言而禁人以行故言必慮其所終而行必稽
其所敝則民謹於言而慎於行詩云慎尔出語敬尔
威儀大雅曰穆々文王於緝熙敬止子曰長民者衣

服不貳從容有常以齊其民則民德壹詩云彼都人
士狐裳黃其容不改出言有章行歸於周萬民所
望子曰為上可望而知也為下可述而志也則君不
疑於其臣而臣不惑於其君矣尹吉曰惟尹躬及湯
咸有壹德詩云淑人君子其儀不忒子曰有國家者
章善癉惡以示民厚則民情不貳詩云靖共尔位好
是正直子曰上人疑則百姓惑下難知則君長勞故

君民者章好以示民俗慎惡以御民之淫則民不惑
矣臣儀行不重辭不援其所不及不煩其所不知則
君不勞矣詩云上帝板板下民卒瘡小雅曰匪其止
共維王之邛子曰政之不行也教之不成也爵祿不
足勸也刑罰不足恥也故上不可以褻刑而輕爵康
誥曰敬明乃罰甫刑曰播刑之不迪子曰大臣不親
百姓不寧則忠敬不足而富貴已過也大臣不治而

逕臣比矣。故大臣不可不敬也。是民之表也。逕臣不
可不慎也。是民之道也。君母以小謀大。母以遠言近。
母以內圖外。則大臣不怨。逕臣不疾。而遠臣不蔽矣。
葉公之顧命曰。母以小謀敗。大作。母以廢御人。疾莊。
后。母以廢御士。疾莊士。大夫卿士。子曰。大人不親其
所賢。而信其所賤。民是以親失。而教是以煩。詩云。彼
彼求我。則如不我得。執我仇。亦不我力。君陳曰。未

見聖若已弗克見既見聖亦不克由聖子曰小人溺
於水君子溺於口大人溺於民皆在所襲也夫水正
於人而溺人德易狎而難親也易以溺人口費而煩
易出難悔易以溺人夫民閉於人而有鄙心可敬不
可慢易以溺人故君子不可以不慎也子曰民以君
為心君以民為體心莊則體舒心肅則容敬心好之
身必安之君好之民欲之心以體全亦以體傷民以

民存亦以民忘詩云昔吾有先正其言明且清國家
以寧都邑以成庶民以生誰能秉國成不自為政卒
勞百姓君雅曰夏日暑雨小民惟曰怨資冬祈寒小
民亦惟曰怨子曰下之事上也身不正言不信則義
不壹行無類也子曰言有物而行有格也是以生則
不可以奪志死則不可以奪名故君子多聞質而守
之多志質而親之精知畧而行之君陳曰出入自尔

師虞夏言同詩云淑人君子其儀一也子曰唯君子
能好其正小人毒其正故君子之朋友有鄉其惡有
方是故逌者不服感而遠者不疑也詩云君子好仇
子曰輕絕貧賤而重絕富貴則好賢不堅而惡之不
著也人雖曰不利吾不信也詩云朋友攸攝以威
儀子曰私惠不歸德君子不自留焉詩云人之好我
示我周行子曰苟有車必見其軼苟有衣必見其敝

人苟或言之必聞其聲苟或行之必見其成葛覃曰
服之無射子曰言從而行之則言不可飾也行從而
言之則行不可飾也故君寡言而行以成其信則民
不大其美而小其惡詩云白圭之玷尚可磨也斯言
之玷不可為也小雅曰允也君子展也大成君奭曰
在昔上帝周田覲文王之德其集大命於厥躬

儒行

魯哀公問於孔子曰夫子之服其儒服與孔子對曰丘
少居魯衣逢掖之衣長居宋冠章甫之冠丘聞之也
君子之學也博其服也鄉丘不知儒服哀公曰敢問
儒行孔子對曰遽數之不能終其物悉數之乃留更
僕未可終也哀公命席孔子侍曰儒有席上之珍以
待聘夙夜強學以待問懷忠信以待舉力行以待取
其自立有如此者儒有衣冠中動作慎其大讓如慢

小讓如偽大則如威小則如愧其難進而易退也粥
粥若無能也其容貌有如此者儒有居處齊難其坐
起恭敬言必先信行必中道塗不爭陰陽之利冬
夏不爭陰陽之和愛其死以有待也養其身以有為
也其備豫有如此者儒有不寶金玉而忠信以為寶
不祈土地立義以為土地不祈多積多文以為富難
得而易祿也易祿而難畜也非時不見不亦難得乎

非義不合不亦難畜乎先勞而後祿不亦易祿乎其
近人有如此者儒有委之以財貨淹之以樂好見利
不虧其義劫之以衆沮之以兵見死不更其守驚蟲
攫搏不程勇者引重鼎不程其力往者不悔來者不
弼遇言不再流言不極不斷其威不習其謀其特立
有如此者儒有可親而不可劫也可近而不可迫也
可殺而不可辱也其居處不淫其飲食不瀦其遇失

可微辨而不可面數也其剛毅有如此者儒有忠信
以為甲冑禮義以為干櫓戴仁而行抱義而處雖有
暴政不更其所其自立有如此者儒有一畝之室環
堵之室簞門圭窬蓬戶甕牖易衣而食出并日而出
食上答之不敢以疑上不達不敢以誦其仕有如此
者儒有今人與居古人與稽今世行之後世以為楷
適弗逢世上弗援下弗推諛誦之民有比黨而危之

者身可危也而志不可奪也。雖危起居竟信其志，猶
將不忘百姓之病也。其憂思有如此者，儒有博學而
不窮，篤行而不倦，幽居而不淫，上通而下達，禮之以
和，不為貴，忠信之美，優游之法，慕賢而容衆，毀方而
瓦合，其寬裕有如此者。儒有內稱不辟親，外舉不辟
怨，程功積事，推賢而進達之，不望其報，君得其志，苟
利國家，不求富貴，其舉賢援能有如此者，儒有誨善

以相告也見善以相示也爵位相先也患難相死也

久相待也遠相致也其任舉有如此者儒有澡身而

浴德陳言而伏靜而正之上弗知也麤而翹之又

急為也不臨深而為高不加少而為多世治不輕世

亂不沮同弗與異弗非也其特立獨行有如此者儒

有上不臣天子下不事諸侯慎靜而尚寬強毅以與

人博學以知服近文章砥厲廉隅雖分國如錙銖不

臣不仕其規為有如此者。儒有合志同方平，夢道同術。
並立則樂，相下不厭，久不相見，聞流言不信，其行本
方立義，同而進，不同而退，其交友有如此者。溫良者，
仁之本有也。敬慎者，仁之地也。寬裕者，仁之作也。孫
接者，仁之能也。禮節者，仁之貌也。言談者，仁之文也。
歌樂者，仁之和也。分散者，仁之施也。儒者兼此而有
之，猶且不敢言仁也。其尊讓有如此者，儒有不隕穫。

於貧賤不充，詘於富貴，不慁君王，不累長上，不閑有司，故曰儒。今衆人之命儒也，妄常以儒相詬病。孔子至舍，哀公館之，聞此言也，言加信，行加義，終沒吾世，不敢以儒為戲。

鄉飲酒義

鄉飲酒之義，主人拜迎賓于庠門之外，入三揖而後升階，三讓而後升，所以致尊讓也。盥洗揚觶，所以致

潔也。拜至、拜洗、拜受、拜送、拜既，所以致敬也。尊讓潔
敬也者，君子之所以相接也。君子尊讓則不爭，潔敬
則不慢，不慢不爭則遠於闕便矣。不闕便則無暴亂
之禍矣。斯君子所以免於人禍也。故聖人制之以道。
鄉人士君子尊於房戶之間，賓主共之也。尊有玄酒，
貴其質也。羞出自東房，主人共之也。洗當東榮，主人
之所以自潔而以事賓也。賓主象天地也。介饌象陰。

陽也。三賓象三光也。讓之三也。象月之三日而成魄也。四面之坐象四時也。天地嚴凝之氣始於西南而盛於西北。此天地之尊嚴氣也。此天地之義氣也。天地溫厚之氣始於東北而盛於東南。此天地之盛德氣也。此天地之仁氣也。主人者尊賓故坐賓於西北而坐介於西南以輔賓者接人以義者也。故坐於西北主人者接人以仁以德厚者也。故坐於東南而

坐僎於東坎以輔主人也。仁義接賓主有事。俎豆有
數曰聖。立而將之以敬曰禮。以體長幼曰德。
也者得於身也。故曰古之學術道者將以得身也。是
故聖人務焉。祭薦祭酒敬禮也。嘏肺嘗禮也。啐酒成
禮也。於席末言是席之正。非專為飲食也。為行礼也。
此所以貴禮而賤財也。卒解致賓於西階上言是席
之上非專為飲食也。此先礼而後財之義也。先礼而

後財則民作敬讓而不爭矣鄉飲酒之禮六十者坐
五十者立侍以聽政役所以明尊長也六十者三豆
七十者四豆八十者五豆九十者六豆所以明養老
也民知尊長養老而后乃能入孝弟民入孝弟出尊
長養老而后成教成教而后國可安也君子之所謂
孝者非窮至而日見之也合數諸鄉射教之鄉飲酒
之禮而孝弟之行立矣孔子曰吾覩於鄉而知王道

之易也。主人親連賓及介而衆賓自後之。至於門外主人拜賓及介而衆賓自入。貴賤之義別矣。三揖至於階。三讓以賓升。拜至。獻酬辭讓之節繁。及介省矣。至於衆賓升受坐祭立飲不酢而降。隆殺之義辨矣。工人升歌三終。主人獻之。笙入三終。主人獻之。間歌三終。合樂三終。工告樂備。遂出。一人揚觶。乃立司正焉。知其能和樂而不流也。賓酬主人。主人酬介。

酬衆賓少長以齒。終於沃洗者焉。知其能弟長而無
遺矣。降說屨升坐。修爵無數。飲酒之節。朝不廢朝。莫
不廢夕。賓出。主人拜送。節文終遂焉。知其能安燕而
不亂也。貴賤明。隆殺辯。和樂而不流。弟長而無遺。安
燕而不亂。此五行者。足以正身安國矣。彼國安而天
下安。故曰。吾覩於鄉而知王道之易也。鄉飲酒之
義。立賓以象天。立主以象地。設介僎以象日月。立三

賓以象三光。古之制禮也。經之以天地。紀之以日月。
參之以三光。政教之本也。烹狗於東方。祖陽氣之巽。
於東方也。洗之在阼。其水在洗東。祖天地之左海也。
尊有玄酒。教民不忘本也。賓必南鄉。東方者春。之
為言蠢也。產萬物者聖也。南方者夏。之為言假也。
假之仁也。西方者秋。之為言愁也。愁之以時察守
義者也。北方者冬。之為言中也。中者藏也。是以天

子之立也左聖鄉仁右義偕藏也

射義

古者諸侯之射也必先有燕禮卿大夫士之射也必
先行鄉飲酒之禮故燕禮者所以明君臣之義也鄉
飲酒之禮所以明長幼之序也故射者進退周旋必
中禮內志正外體直然後持弓矢審固持弓矢審固
然後可以言中此可以觀德行矣其節天子以騶虞

為節諸侯以貍首為節卿大夫以采蘋為節士以采
蘋為節騶虞者樂官備也貍首者樂會時也采蘋者
樂循法也采蘋者樂不失職也是故天子以備官為
節諸侯以時會為節卿大夫以循法為節士以不失
職為節故明乎其節之志以不失其事則功成而德
行立德行立則無暴亂之禍矣功成則國安故曰射
者所以現盛德也是故古者天子以射選諸侯卿大

夫士射者男子之事也。因而歸之以禮樂也。故事之
盡禮樂而可數爲以立行德行者莫若射。故聖王務
焉。是故古者天子之制諸侯歲獻貢士於天子。天子
試之於射宮。其容體比於禮。其節比於樂。而中多者
得與於祭。其容體不比於禮。其節不比於樂。而中少
者不得與於祭。數與於祭。而君有慶。數不與於祭。而
君有讓。數有慶而益地。數有讓則削地。故曰射者

射爲諸侯也。是以諸侯君臣盡志於射。以習禮樂。夫
君臣習禮樂。而以流亡未之有也。故詩曰。曾孫侯氏。
四正具舉。大夫君子。凡以庶士。小大莫處。御於君所。
以燕。以射。則燕。則譽。言君臣相與盡志於射。以習禮
樂。則安。則譽也。是以天子制之。而諸侯務焉。此天子
之所以養諸侯。而兵不用。諸侯自爲正之具也。孔子
射於矍相之圃。蓋覲者如堵牆。射至于司馬。使子路

執弓矢出延射曰賁軍之將亡國之大夫與為人後者不入其餘皆入蓋去者半入者半又使公用之裘序黜揚解而語公用之裘揚解而語曰幼壯孝弟耆羞好禮不從流俗修身以俟死者不在此位也蓋去者半處者半序黜又揚解而語曰好學不倦好禮不變旄期稱道不亂者不在此位也蓋勵有存者射之為言者繹也或曰舍也繹者各繹己之志也故心平

體正持弓矢審固持弓矢審固則射中矣故曰為人
父者以為父鵠為人子者以為子鵠為人君者以為
君鵠為人臣者以為臣鵠故射者各射己之鵠故天
子之大射諸謂之射侯射侯者射為諸侯也射中則
得為諸侯射不中則不得為諸侯天子將祭必先習
射於澤：者所以擇士也已射於澤而后射於射宮
射中者得與於祭不中者不得與於祭不得與於祭者

有讓削以地得與於祭者有慶益以地進爵紬地是
也故男子生桑弧蓬矢六以射天地四方
者男子之所有事也故必先有志於其所有事然後
敢用穀也飲食之謂也射者仁之道也求諸正己已
正而后發而不中則不怨勝己者反求諸己而已
矣孔子曰射者何以射何以聽循聲而發而不失
正鵠者其唯賢者乎若夫不肖之人則彼將安能以

中詩云發彼有的以祈爾爵祈求也求中以辭爵也
酒者所以養老也所以養病也求中以辭爵者辭養
也

聘義

子貢問於孔子曰敢問君子貴玉而賤珉者何也為
玉之寡而珉之多與孔子曰非為珉之多故賤之也
玉之寡故貴之也夫昔者君子比德於玉焉溫潤而

澤仁。顯密以栗。知也。廉而剝義也。垂之如隊。禮也。叩
之其聲清越。以長其終。誦然樂也。瑕不掩瑜。不掩
瑕。忠也。孚尹旁達。信也。氣如白虹。天也。精神見於山
川。地也。圭璋特達。德也。天下莫不貴者。道也。詩云言
念君子。溫其如玉。故君子貴之也。



